

ՄԵՏԱՔՍԻ ԱՐՏԱԴՐՈՒԹՅՈՒՆԸ ԱՐԵՎԵԼՅԱՆ ՀԱՅԱՍՏԱՆՈՒՄ
XIX Դ. ԵՐԿՐՈՐԴ ԿԵՍԻՆ

Գ. Ռ. ԱՌԱՔԵԼՅԱՆ

XIX դ. երկրորդ կեսին Արևելյան Հայաստանում մետաքսի արտադրության պատմությունն ուսումնասիրելիս, որոշակի երևան են գալիս նրա զարգացման փուլերը՝ սկսած տնայնագործականից, վերջացրած գործարանային արտադրությամբ։

Մետաքսի տնայնագործական արտադրությունը հիմնված էր շերամապահահական գյուղատնտեսական զբաղմունքի վրա և նրա հետ սերտ կապի մեջ էր։ Եթե որևէ շրջանում զարգացած էր շերամապահությունը, ապա այնտեղ բնակչությունը զբաղվում էր մետաքսաթելի և երբեմն էլ մետաքսե գործվածքների արտադրությամբ։ Այդ զբաղմունքի մեջ դեռևս գոյություն չունեին աշխատանքի լուրջ բաժանում։ Նույն անձնավորությունը միաժամանակ զբաղվում էր և՛ շերամապահությամբ, և՛ մետաքսաթելի, և երբեմն էլ մետաքսե գործվածքների արտադրությամբ։ Նման պայմաններում ազդվար է որոշել գյուղատնտեսական և տնայնագործական արտադրությունների տարբերությունները։ Բոժոժի ստացումը, որով զբաղվում են գյուղացիները՝ դաշտային աշխատանքներից ազատ ժամանակ, վերագրել այդ գյուղատնտեսական արտադրությանը, թե՛ տնայնագործական զբաղմունքներին...»¹։

Անդրկովկասը շերամապահությամբ և մետաքսագործությամբ հայտնի էր դեռ վաղ անցյալում։ Այդ արտադրությամբ աչքի էին ընկնում երկրամասի հատկապես արևելյան շրջանները։

XIX դ. սկզբում մետաքսագործության վիճակն Անդրկովկասում անմխիթար էր։ Անդրկովկասը Ռուսաստանին միանալու ժամանակաշրջանում, շերամի որդի զանազան հիվանդությունների հետևանքով, այդ արտադրությունը զգալիորեն կրճատվել էր։ Ի. Շոպենը խոսելով երբեմնի Հայկական մարզի մետաքսագործության մասին, գրում է. «Հայաստանի բնակչի մայական պայմանները նպաստավոր են մետաքսագործության համար, սակայն, ցավոք, արտադրանքը շատ քիչ է ու պակասավոր։ Երևանում տարեկան արտադրվում էր լուկ 10 ֆունտ² մետաքս։ Նախիջևանի շրջանում մետաքսի արտադրանքը հազիվ հասնում էր 4¹/₂ փթի։ Համեմատաբար ավելի շատ արտադրանք էր տալիս Օրդուբադն իր շրջակա գյուղերով՝ 73¹/₂ բաթման³, այսինքն՝ 70 փութ, 20 ֆունտ։ Եթե բոլորը գումարենք, կստացվի 75 փութ, 10 ֆունտ։ Մետաքսի

¹ К. Хатисов, Кустарные промыслы Закавказского края, Тифлис, 1891, стр. 3.

² Ֆունտը կամ գրվանքան կշռաչափ է, որը հավասար է 409,5 գրամի։

³ Բաթմանը նույնպես կշռաչափ է, որը հավասար է 32 ֆունտի։

մեկ փուլը արժեք 100 ուրլի արծաթ: Ուրեմն, ամբողջ հայկական մարզը մետաքսագործությունից ստանում էր տարեկան 7,525 ուրլի արծաթ⁴:

Մետաքսի արտադրությանը զարկ տալու համար ցարական կառավարությունը XIX դ. 30—40-ական թվականներին ձեռնարկեց մի շարք միջոցառումներ. ստեղծվեց մետաքսագործական ընկերություն, որը պետք է հոգարարտադրության այդ ճյուղի կարիքները և ամեն կերպ նպաստեր նրա զարգացմանը: Բացի դրանից, համեմատաբար արտոնյալ վիճակ ստեղծվեց շերամապահությանը զբաղվողների համար՝ նրանք ազատվեցին դրա համար գանձվելիք հարկերից⁵:

Ի տարբերություն գործվածքային արտադրության մյուս ճյուղերի, ուսական մետաքսագործական մանուֆակտուրաները բուն Ռուսաստանում շուրենին հումքի սեփական բազաներ: Այդ իսկ պատճառով Անդրկովկասի վրամեծ ուշադրություն էր դարձվում: 1830 թ. ցարական կառավարությունը հատուկ օրենք հրապարակեց, ըստ որի պետք է հոգ տարվեր երկրամասում թթենու այգիների ընդարձակման ու մշակման համար⁶: Անդրկովկաս էին հրավիրվում օտարերկրյա մասնագետներ, որոնք պետք է ընդարձակեին շերամապահությունը և արտադրական բարձր մակարդակի հասցնեին մետաքսաթելի ստացումը: Այդպիսիներից էր առաջին կարգի վաճառական Կաստելլան, որը 1830-ական թվականներին ուսական կառավարությունից ստանալով արտոնություններ և դրամական միջոցներ, Թիֆլիսում պետք է կառուցեր մետաքսի մշակման և մետաքսաթելի ստացման ֆաբրիկա⁷: Սակայն այդ գործը Կաստելլայի մահով ընդհատվեց և չիրագործվեց: Այս և նման միջոցառումներով ցարական կառավարությունը ձգտում էր երկրի մետաքսագործական ձեռնարկություններն ապահովել սեփական հումքով, որպեսզի ստիպված չլինեին այն թանկ գներով ներմուծել արտասահմանից:

Անդրկովկասից Ռուսաստան արտահանվող մետաքսահումքը տարեցտարի ավելանում էր, որի հիմքի վրա Ռուսաստանի մետաքսե գործվածքների արդյունաբերությունը շարունակում էր աճել: 1838 թ. Մոսկվայի նահանգում վերամշակվել է 38.000 փուլ բոժոժ և մետաքսաթել, ըստ որում՝ հումքի 8.200 փուլը եվրոպական էր, 8000-ը՝ չինական, իսկ 21.800-ը՝ կովկասյան⁸: Վերջինիս մեջ որոշակի բաժին ունեին նաև Արևելյան Հայաստանը:

Շերամապահությանը ու մետաքսագործությանը աչքի էին ընկնում Երևանի, Նախիջևանի, Շարուրի և էջմիածնի գավառները: Նման աշխատանքով սովորաբար զբաղվում էր գյուղական ընտանիքների աշխատող ձեռքերի մի մասը և այն էլ տարվա կարճ ժամանակում: XIX դ. երկրորդ կեսին այն ունեին օժանդակ՝ տնայնագործական արտադրության բնույթ: Այսպես, «Օժանդակ և տարածված զբաղմունքը է այստեղ (Զանգեզուրի Շվանիձոր գյուղում — Գ. Ա.) շերամապահությունը, սրանով առանց բացառության ամենքն են պա-

⁴ И. Шопен. Исторический памятник состояния Армянской области в эпоху ее присоединения к Российской империи, СПб, 1852, стр. 74.

⁵ «Свод материалов по изучению экономического быта государственных крестьян Закавказского края», т. IV, Тифлис, 1888, стр. 174.

⁶ «Обозрение Российских владений за Кавказом», т. I, СПб., 1836, стр. 50.

⁷ «Акты, собранные Кавказскою археографическою комиссиею», Тифлис, 1878, т. VII, стр. 3.

⁸ Г. Исаев, Роль текстильной промышленности в генезисе и развитии капитализма в России 1760—1860 гг., Л., 1970, стр. 150.

րապում, տարեկան 12 ֆունտից ավելի սերմ է գործադրվում, որը մի զգալի բանակություն է 152 տուն ունեցող գյուղի համար: Այս գործը բացառապես կանանց ձեռքին է⁹:

Տեղական մետաքսից տնայնագործ արհեստավորները պատրաստում էին եզրակարերի համար հատուկ մետաքսաթել, մետաքսե գործվածքներ, տարբեր տեսակի գլխաշորեր, ծածկոցներ և այլն: Մետաքսագործ արհեստավորները տարբեր տեսակի կտորների՝ մետաքսի, թավշի վրա մետաքսաթելով ձեռագործում էին զանազան նախշեր և ապա դրանք շրջափակում արծաթյա և ոսկյա թելերի եզրակարերով, ուլունքներով և մարգարիտներով¹⁰: Շատ տարածված էր մետաքսաթել ասեղնագործությունը, որը կրում էր զուտ տնայնագործական բնույթ: Կային նաև ասեղնագործական արհեստանոցներ, որոնք ունեին մանուֆակտուրային արտադրության բնույթ. այդպիսիք առկա էին Ելիզավետպոլում, Շուշիում, Նախիջևանում և Անդրկովկասի հայաբնակ այլ վայրերում:

Մետաքսյա գործվածքների արտադրությունն Արևելյան Հայաստանում շատ սահմանափակ էր: Շուշիում պատրաստում էին «ալիշա» կոչվող մետաքսե գործվածք, որն օգտագործվում էր կանացի սպիտակեղեն կտրելու համար: Երբեմն այն ներկում էին տորոնի և որդան կարմիրի խառնուրդով և ստանում ներդաշնակ գույնի գործվածք:

1902 թ. մետաքսե գործվածքների մանուֆակտուրային արտադրության փորձ կատարեց օրդուբադցի տնայնագործ և միևնույն ժամանակ վաճառականություն մը զբաղվող Հաջի Մահմեդ Կուլի Միրզաբաբաևը: Նա բացեց 8 դազգահով արհեստանոց և Պարսկաստանից հրավիրեց մետաքսագործ ջուհահաններ, որոնք օրական գործում էին մոտավորապես 50 արշին մետաքսյա գործվածք: Դա հիմք տվեց կարծելու, որ «ժամանակի ընթացքում մետաքսագործության այս ճյուղը լայն տարածում կունենա Նախիջևանի գավառում և մետաքսի նշանակալից մասը կմշակվի տեղում, որը և խթան կհանդիսանա երկրի մետաքսագործության զարգացման համար»¹¹: Չնայած այս ոգևորությանը և հատուկ կենտ փորձերին, մետաքսե գործվածքների արտադրությունը չընդարձակվեց և հեռու էր ընդհանուր բնույթ կրելուց, որովհետև դրա համար չկային նյութական և տեխնիկական համապատասխան պայմաններ:

Երևանի նահանգում, XIX դ. կեսին, մետաքսի արտադրությունը ընչինչուր 1850 թ. ընդհանուր արդյունքը կազմում էր ընդամենը 80 փուլ¹²: Դրա պատճառներից մեկն էլ այն էր, որ պարբերաբար կրկնվող հիվանդություններից փշանում էր բոժոժի 80%-ից ավելին:

1856—1862 թթ. արևմտաեվրոպական երկրներում շերամի որդի հիվանդությունների պատճառով դադարեց մետաքսաթելի արտահանումը ռուսական շուկա: Այդ հանգամանքը մեծացրեց անդրկովկասյան մետաքսի պահանջարկը, որի հետևանքով բարձրացան տեղական հումքի և մետաքսաթելի գները: Օրդուբադում և նրա շրջակայքում 1860-ական թվականներին մետաքսի հումքի տարեկան արտադրանքը սկսեց աճել, հասնելով 10.000—12.000 փթի. յու-

⁹ «Մուրճ», 1900, № 3, էջ 345:

¹⁰ А. С. Пиралов, Краткий очерк кустарных промыслов Закавказья, СПб., 1913, стр. 14.

¹¹ «Памятная книжка на 1904 г. Эриванской губернии», ч. III, Эривань, 1904, стр. 24.

¹² «Кавказский календарь на 1851 г.», Тифлис, 1850, стр. 14.

րաքանչյուր շերամապահի տարեկան մաքուր եկամուտը կազմում էր 180—240 ո. արծաթ¹³։ Այստեղ ազգաբնակչությունը հիմնականում զբաղվում էր այգեգործությամբ և մրգերի վաճառքից ստանում շոշափելի եկամուտներ։ Սակայն շերամապահությունից և մետաքսագործությունից ստացված եկամուտները գերազանցում էին։ Այսպես, օրինակ, 1857 թ. մրգերի վաճառքից ստացված ընդհանուր եկամուտը հավասար էր 36.000 ո., իսկ մետաքսի վաճառքից ստացվածինը՝ 53.000¹⁴, որը 1958 թ. հասավ 63.000 ո.¹⁵։ Շերամապահ-մետաքսագործի մաքուր եկամուտը բարձր էր, որովհետև անմշակ բոժոժի ստացումը կապված չէր դրամական ծախսերի հետ։ Նոր սերմ հազվադեպ էր գնվում, քանի որ այն շերամապահները, որոնք այս կամ այն պատճառով թողնում էին այդ զբաղմունքը, իրենց ունեցած սերմն անվճար տալիս էին հարևան շերամապահներին։ Հակառակ դեպքում՝ դրա համար մեծ գումար չէր պահանջվում։ Արտադրողների մաքուր եկամուտը բավականաչափ բարձր կլիներ, եթե նրանք չկողոպտվեին միջնորդ առևտրականների կողմից, որոնք գործունեությունը գնալով տարածվում էր ու խորանում։ Բանն այն է, որ ստացված մետաքսի հումքի շատ քիչ մասն էր օգտագործվում տեղի տնայնագործների կողմից։ Նրա մեծ մասն արտահանվում էր արտաքին շուկաները, որը կատարվում էր միջնորդ վաճառականների միջոցով։ Նրանք մինչև բոժոժի ստացումը պարտքերի մեջ խճճում էին փողի կարիք ունեցող տնայնագործ-շերամապահներին և նրանցից էժան գներով կորզում բոժոժը կամ մետաքսաթելը։ Օրգուբադում և նրա շրջակա գյուղերում ստացված հումքը գրնվում էր ագուլիսի վաճառականների կողմից, որոնք այն վերավաճառում էին ռուսական և արտասահմանյան մետաքսագործ ֆաբրիկատերերին¹⁶։

Բացի դրանից, միջնորդ առևտրականները վաշխառուական այլ ճանապարհներով (խաբել, թերակշռել և այլն)¹⁷ իրենց էին ենթարկում տնայնագործ մետաքսագործներին, որի հետևանքով վերջիններս կախման մեջ էին ընկնում նրանցից և դառնում վարձու բանվորներ։ Մ. Կուշակը տագնապով գրում է. «Վաշխառությունը գյուղական բնակչության մեջ կրում է այնպիսի մեծ չափեր, վեր է ածվել այնպիսի պնդերես, անամոթ ձևերի և ժողովրդի կյանքի վրա այնպիսի ճնշիչ ազդեցություն ունի, որ մեծ սպառնալիք է գյուղացիության գոյությանը»¹⁸։

1870-ական թվականներին մետաքսի արտադրության վերելքը շերամի որդի զանազան հիվանդությունների պատճառով խափանվեց։ Եթե 1862 թ. Երևանի նահանգում արտադրվել էր 20.000 փութ մետաքսի հումք և թել, ապա 1870 թ. 7.075 փութ¹⁹։ Տեղի շերամապահ-մետաքսագործները մետաքսի արտադրությանը զարկ տալու նպատակով տեղական հիվանդոտ սերմերի փոխարեն սկսեցին աճեցնել ճապոնական, Բուխարայի, խորասանյան և այլ սերմատեսակներ, որոնցից ամենաարդյունավետը եղավ ճապոնականը։ 1880-

¹³ «Кавказский календарь на 1868 г.», Тифлис, 1867, стр. 410.

¹⁴ ՄԱՄԻ ԿՊՊԱ, ֆ. 1268, ց. 9, գ. 132, ք. 131:

¹⁵ Նույն տեղում, ց. 19, գ. 170, ք. 130:

¹⁶ «Кавказский календарь на 1868 г.», стр. 410.

¹⁷ «Свод материалов по изучению экономического быта государственных крестьян Закавказского края», т. 4, ч. 2. Тифлис, 1888, стр. 255.

¹⁸ Նույն տեղում, հ. 5, մաս 2, էջ 62:

¹⁹ «Сборник сведений о Кавказе», т. 2, Тифлис, 1872, стр. 185.

ական թվականներին բոժոժի արտադրանքը նորից սկսեց աճել և արտահանվել²⁰, Մետաքսագործության հիմնական կենտրոն մնում էր Նախիջևանի գավառը, որտեղ XIX դ. վերջին տարիներին ստացված բոժոժը հասնում էր հետևյալ չափերի. 1893 թ.՝ 2100 փութ, 1894 թ.՝ 2500, 1895 թ.՝ 2559, 1896 թ.՝ 3000, 1897 թ.՝ 2550, 1898 թ.՝ 3190, 1899 թ.՝ 3600, 1900 թ.՝ 5400 փութ²¹,

Ինչպես տեսնում ենք, չնայած որոշ տատանումներին, մետաքսի հումքի արտադրությունը տարեցտարի աճել է:

XIX դ. 80-ական թվականներին մետաքսագործությունը տիպիկ ապրանքային արտադրություն էր: Այսպես, Օրդուբադի շրջանը տարեկան մոտավորապես տալիս էր 15000 ու. մետաքս, որից միայն 2000 ու. էր օգտագործվում տեղական կարիքների համար, իսկ մնացածն ագուլիսցի վաճառականների միջոցով արտահանվում էր²²:

Մետաքսի մշակման հիմնական ձևն էր բոժոժից թել քաշելը: Շերամապահությունը ձեռնտու դրաղմունք էր և չէր պահանջում մեծ հողատարածություններ ու դրամական միջոցներ: Անհամեմատ դժվար էր մետաքսի հումքի մշակումը: Բոժոժից բամբակի և մետաքսաթելի ստացումը կատարվում էր տեղի պարզունակ, արհեստանոցի նմանվող փոքրիկ գործատներում, որտեղ իշխում էր մարդու ֆիզիկական ուժի միջոցով շարժման մեջ դրվող հետամնաց տեխնիկան: Այսպես, օրինակ, Նրևանի նահանգում մետաքսը փաթաթում էին մանջուլիկ կոչվող սարքի վրա: Այս եղանակով ստացված մետաքսաթելն անորակ էր և մեկ փութը արժեք 40—120 ու.²³, նայած պահանջարկին ու շուկայական գներին:

Արևելյան Հայաստանի մետաքսագործական շրջաններում գործում էին նաև շրշիկ տնայնագործ-արհեստավորներ, որոնք մեծ մասամբ վարձատրվում էին բնամթերքով՝ ստացված մետաքսաթելի $\frac{1}{5}$ -ի չափով²⁴:

Հիշյալ գործարան-արհեստանոցները և շրշիկ մետաքսագործ վարպետների գործունեությունը տիպիկ տնայնագործական մանր ապրանքային արտադրության բնույթ ունեին: Այդպիսի «գործարանների» թիվը Նախիջևանի գավառում յոթն էր. երկուսը՝ Օրդուբադում, չորսը՝ Չանանաբ գյուղում և մեկը՝ Ագուլիսում: Այդ գործարաններում տարեկան արտադրվում էր 152 փութ մետաքսաթել և 161 փութ բամբակ, իսկ համախառն եկամուտը 33620 ու. էր²⁵: Նույնատիպ «գործարաններ» կային նաև Հայաստանի այլ վայրերում: «Խիստն ասած,— գրում է Ս. Զելինսկին,— ֆաբրիկա-գործարանային արտադրություն գոյություն չունի, այլ կա դրա նման մի բան, որն ընդհանուր ոչինչ չունի ներկա ժամանակի հասկացությամբ ֆաբրիկաների ու գործարանների հետ, քանի որ եղած, այսպես կոչված, «գործարանները» չունեն կարգավորված շենքեր,

²⁰ «Свод материалов по изучению экономического быта государственных крестьян Закавказского края», т. 4, стр. 171.

²¹ «Памятная книжка на 1904 г. Эриванской губернии», ч. 3, стр. 22.

²² «Сборник сведений о Закавказье», т. VII, Тифлис, 1880, ч. 3, стр. 232.

²³ «Кавказская шелководческая станция», вып. 3, т. 12, Тифлис, 1902, стр. 11.

²⁴ М. К. Рожкова, Экономическая политика царского правительства на Среднем Востоке во второй четверти XIX в. и русская буржуазия, М., 1949, стр. 126.

²⁵ «Памятная книжка на 1904 г. Эриванской губернии», ч. 3, стр. 23.

դործիքներ, մշակման առաջավոր եղանակներ և չին համապատասխանում իրենց կոշմանը»²⁶:

Նման եղանակով արտագրվող մետաքսաթելը, պարզ է, չէր կարող բավարարել ուսում ֆաբրիկատերերի հարաճուն պահանջները: Ինչպես վկայում է ժամանակի մամուլը՝ «մեր շերամապահությունը և մետաքսի մշակումը չնայելով հաջող պայմաններին, շատ գանդաղ քայլերով է առաջ ընթանում: Մեր մետաքսը իբրև մշակված և վերջնական վաճառականության նյութ դեռ շատ պակասություններ ունի»²⁷: Իր այս թերություններով, բնական է, այն չէր կարող մրցել Իտալիայից և Ֆրանսիայից ներմուծվող որակյալ ֆաբրիկա-դործարանային արտադրանքի հետ: Ռուսաստանում արդյունաբերության զարդացումը և տեխնիկական առաջադիմությունն էլ ավելի էին սրում հումքի սուսցման հարցը: Գ. Վարդանյանի վկայությամբ «Վերջին 10—15 տարում Ռուսիայում երևան եկան մետաքսագործական գործարաններ, որոնք անընդհատ դիմում են Անդրկովկասին հում նյութով իրենց պահանջները լրացնելու՝ թե՛ բոժոժով և թե՛ մանած թելով»²⁸:

Ռուս գործարանատերերը փնտրում էին արտադրությունը հումքով ապահովելու միջոցներ. սի կողմից կիսաֆաբրիկատների՝ մետաքսաթելի ավելի շատ ներմուծման ուղիներ, մյուս կողմից՝ ձգտում էին իրենց ֆաբրիկաներում կազմակերպել մետաքսաթելի մեքենայացված արտադրություն, որպեսզի գործեն անկախ ու անկաշկանդ և դա նրանց մասամբ հաջողվեց: Մետաքսաթելի փոխարեն սկսեցին դնել չմշակված մետաքս՝ բոժոժ:

Նոր ժամանակների պահանջներին համապատասխան Անդրկովկասում, այդ թվում Արևելյան Հայաստանի մետաքսագործական շրջաններում սկսում են կառուցվել եվրոպական արտադրության նոր դազաահներով ու սարքերով մետաքսաթելի ստացման գործարաններ: Այսպիսիք Օրդուբադում և Նախիջևանի գյուղերում, հատկապես Ագուլիսում ստեղծվեցին 1870—80-ական թվականներին: Դրանց առկայությունը սկսեց խիստ նեղել տնայնագործական եղանակով մետաքսաթել արտադրող փոքրիկ գործարաններին», որոնք չդիմանալով անհավասար մրցակցությանը, մեկը մյուսի հետևից քայքայվում էին: Այսպես, եթե 1896 թ. այդպիսի գործարանների թիվը հասնում էր 26-ի²⁹, ապա 1902 թ.՝ 14-ի³⁰: Ինչպես նկատվել է. «եթե անցյալ դարի 80-ական թվականներին այս կամ այն չափով նշանավոր մետաքսագործական շրջաններում գոյություն ունեին մեծ քանակությամբ տնայնագործ մետաքսաթել փաթաթողներ, որտեղ տերերը քանվորների օգնությամբ աշխատեցնում էին 2-ից մինչև 10 մանջուլիկ կոշվող դազահներ, ապա այժմ այդպիսիները պահպանվում են միայն հեռավոր, խուլ վայրերում և այն էլ բացառության կարգով»³¹: Երբեմնի տնայնագործ-մետաքսագործները չդիմանալով մրցակցությանը, դադարում էին մետաքսաթել արտադրելուց, քանի որ, եթե նրանց

26 «Сборник сведений о Кавказе», т. 7, ч. 3, стр. 233.

27 «Արաբ», գիրք Ա, 1885, էջ 13:

28 «Մուրճ», 1891, № 14, էջ 425:

29 «Кавказский календарь на 1898 г.», Тифлис, 1897, стр. 80.

30 «Памятная книжка на 1904 г. Эриванской губернии», ч. 2, стр. 92.

31 «Кавказская шелководческая станция», вып. 3, т. 12, стр. 12.

արտադրանքի մեկ փուլը, ինչպես վերևում նշվեց, հաղիվ արժեք 40—120 ռ., ապա անդակաձև ֆաբրիկա-գործարանային արտադրության մեկ փուլին արժեք 350—500 ռ.³² Այսպիսի անհավասար մրցակցության պայմաններում, գնալով պակասում էր տնայնագործ մետաքսագործի մաքուր եկամուտը: Այսպես, եթե 1860-ական թվականներին, ինչպես արդեն տեսանք, մետաքսագործությանից նրա ստացած տարեկան եկամուտը կազմում էր 180—240 ռ., ապա 1880—90-ական թվականներին՝ 56 ռ.³³ Շերամապահ-տնայնագործն աստիճանաբար իր տեղը զիջում էր եվրոպական տիպի ֆաբրիկաներին ու գործարաններին: Դարավերջին գրանցում էր կենտրոնացվել մետաքսաթելի գրեթե ամբողջ արտադրությունը: Այսպես, Օրդուբադում գործող Բաբայանի գործարանն ուներ Ֆրանսիայից բերված շոգեշարժ մեքենաներ, որոնցից յուրաքանչյուրն ուներ 6 ձիաուժ կարողություն: Գործարանը բաժանված էր երեք արտադրամասի, որոնցից յուրաքանչյուրում աշխատում էր 90 բանվոր (ամեն մեկի տարեկան աշխատավարձը կազմում էր 130 ռ.): Արտադրվում էր երեք տեսակի մետաքսաթել, որը վաճառվում էր Մոսկվայի և այլ քաղաքների ֆաբրիկատերերին³⁴: Շերամապահ-մետաքսագործները ստիպված էին զբաղվել մեծ մասամբ միայն շերամի որդի խնամքով և բոժոժի ստացումով, որի մի մասն արտահանում էին, իսկ մյուս մասը՝ վաճառում տեղի գործարանատերերին:

Մետաքսի ֆաբրիկա-գործարանային արտադրությունը XIX դ. վերջում մեծ տեղ էր գրավում նաև Ղարաբաղի տնտեսական կյանքում: Գործարաններ կային ինչպես Շուշիում, այնպես էլ գյուղերում, որտեղ մեծ մասամբ կիրառվում էր կանանց աշխատանքը: Ինչպես վկայում է Ա. Արասխանյանը, «Մետաքսի արտադրության լայն զարգացումը Ղաբաբաղում մասամբ կարելի է բացատրել արտադրության այդ ճյուղում կանացի աշխատանքի կիրառումով, քանի որ կանացի աշխատանքը ավելի էժան էր»³⁵: 1886 թ. Շուշիում մետաքսագործ բանվորուհու օրական աշխատավարձը կազմում էր 15—30 կ.³⁶:

1880—1890-ական թվականներից սկսած Ղարաբաղում տնային մանր արտադրողներն արդեն շատ աննշան թիվ էին կազմում, քանի որ մետաքսի արտադրությունը գրեթե ամբողջապես կենտրոնացած էր խոշոր գործարանատերերի ձեռքում: Շուշիի գավառում այդպիսիների թիվը հասնում էր 13-ի, որից 6-ը գործում էր քաղաքում, իսկ 7-ը՝ գյուղերում (Քուրբաջան, Դաշալի, Բալաջա, Չանախլի կամ Ավետարանոց գյուղ, Գիշ և այլն): Այդ գործարաններն ունեին 674 դազգահ, որոնք տարեկան արտադրում էին 1400 փուլ մետաքսաթել՝ 38500 ռ. արժողությամբ: Իսկ Օրդուբադի գավառում գործում էին 4 այդպիսի կատարելագործված գործարաններ, որոնք ունեին 118 դազգահ և տարեկան արտադրում էին 300 փուլ մետաքսաթել³⁷: Սակայն այդ գործա-

³² «Сборник сведений о Кавказе», т. 2, Тифлис, 1872, стр. 187.

³³ «Свод материалов по изучению экономического быта государственных крестьян Закавказского края», т. 4, ч. 2, стр. 255.

³⁴ «Մշակ», 1878, № 125:

³⁵ А. Н. А р а с х а н я н, Закавказские шелкомотальные заводы, Тифлис, 1888, стр. 48.

³⁶ Նույն տեղում, էջ 49:

³⁷ Նույն տեղում:

րանները հումքի անբավարարության պատճառով, աշխատում էին տարեկան 3—4 ամիս, որը թուլացնում էր գործարանների միջև եղած մրցակցությունը՝ խանգարելով նրանց հետագա կատարելագործմանը:

Այսպիսով, մետաքսաթելի ֆաբրիկա-գործարանային արտադրության զարգացման հետևանքով, ինչպես Անդրկովկասում, այնպես էլ Արևելյան Հայաստանում XIX դ. վերջերին, մետաքսի արտադրության տնայնագործական եղանակը չդիմանալով մրցակցությանը, աստիճանաբար անկում էր ապրում:

ПРОИЗВОДСТВО ШЕЛКА В ВОСТОЧНОЙ АРМЕНИИ ВО ВТОРОЙ ПОЛОВИНЕ XIX ВЕКА

Г. Р. АРАКЕЛЯН

Резюме

В 40—50-ых гг. XIX в. в Восточной Армении обработка сырья шелка (жоконов) производилась кустарным способом. В это время обработка сырья шелка еще не отделилась от шелководства, и подавляющее большинство предприятий представляло собой мелкие мастерские, в которых преобладал ручной труд. В конце XIX в. вследствие экономического развития возникает также заводское производство. Паровые двигатели и усовершенствованные станки доставлялись из-за границы. Несмотря на это, а также на наличие дешевой рабочей силы, шелковое производство не могло подняться на уровень настоящего капиталистического заводского производства из-за недостатка сырья.

Шелковая пряжа, производимая на этих полузаводах, в основном вывозилась в промышленный центр России. Восточная Армения, как и все Закавказье, была сырьевой базой России. В связи с этим потребность в шелковой пряже росла и как следствие этого — производство совершенствовалось, вытесняя кустарные методы.